

劉文清公遺集

劉文清公遺集卷第三

七古四十首

白紵歌二首

梧宮葉落銅墀秋新涼宵永宜夜遊九華之燭蜃膏
流七彩羽帳珊瑚鉤佩環節步舞明眸折腰垂手妙
難酬梁塵霏霏起清謳新翻別調號無愁千年萬年
樂未休

吳姬新進年十五對鳳回鸞妙工舞含情舞罷向君
王纖纖素手結明璫結明璫斷君腸金壺銀箭漏聲
長扶桑曈曈天一方羅幃紅燭地無光畱君只道夜
未央

行見月

行見月見月缺還圓行人惟與月周旋隨人到處似
相憐舉杯屬月問青天久客刀頭更幾年

飲馬長城窟行

效王龍標
筵篋謠

飲馬長城窟長城窟邊多遺鏃橫冰水冷傷馬骨何
處聲聲羌管曲我馬悲鳴更躑躅忽憶垂鞭鞞五
陵遊綠楊繫馬萬絲柔尊前歌罷錦纏頭酒酣起舞
躍吳鉤幾時萬里覓封侯論功談笑坐青油一朝應
募補軍酋領得官家丈八矛虎符已動不可畱出城
紅旆影悠悠少婦晨妝上玉樓塵霾不見恒凝眸十
里五里安烽堠長亭短亭挂兜鍪守者那知行者憂

吹角閒作鹿鳴呦關塞迢迢道阻修隆冬笳鼓踰涼
州墮指裂膚雪未休飛騎諜報得敵謀左右賢王會
羶裘穹廬饗士夜椎牛控弦十萬近邊蹂大帥逡巡
匪敵求選銳先嘗試利不束甲橐戈儂所羞便結同
心赴國仇賀蘭一戰千級收功多不察翻見尤黜從
苦役等俘囚霜天飲馬風颼颼箭瘡風入痛難瘳故
鄉歸去杳無由寄語咸陽共飲儔從軍非余力所勦
什伍休將名姓投主將須逢李廣流

短歌行

白日何短短長年苦歲晚青春去堂堂少年行樂安
得億千場長年少年共悲歎願倩魯陽回戈指日車

文淵閣書
卷三
二
鞅斷長壽真人王子喬吹笙不管滄桑變

望夫石

望夫人望夫不歸化爲石君不聞大庭栗陸庖犧時
下如野鹿上標枝幾人過都越國事行役皇王帝霸
遞沿革雄心侈欲遊萬國到處車轍更馬跡遂至使
民好遠適延頸舉踵羸糧食伊威蠨蛸歎閨寂何如
越陌度阡歌帝力男耕女桑不相失無勞化石傳貞白

寶劍歌

君不見闔閭之墓劍三千虎氣騰凌夜燭天又不見
張華掘劍豐城獄紫氣衝霄干斗宿百鍊金精能屈
伸繫誰鑄此歐冶倫佩之非人害其身用之不正劍

無神上祛蔽日決浮雲下穿溟滓通沈淪揮霍四極
拓無垠魑魅魍魎敢喜欣不然藏鋒斂耀琉璃室我
才不毀器不褻慎無小試露銛鉞杌上之肉汚魚腸
頓成凡鐵無威光

射虎行

南山有虎憑其威白晝舐掌擇人肥灞陵夜獵無人
知彎弓馬上注忘歸殪之不殊溷中稀唾手小試未
足奇猿臂將軍不遇時聞道平城正合圍

精衛詞

有鳥有鳥名精衛銜石填海真左計海水縱有涸竭
時不見百川灌注日東逝羽譙譙兮尾脩脩與海爲

仇志亦豪多生願力作鵬雛化魚名鯢揚鬐鼓鬣凌
狂濤不死會覩桑田變與海俱盡畢乃願爾仇可復
恨可湔不然更無如海何爾壽與海孰較多

遠將歸

遠將歸閨中計日歸有期豔豔春陽草木萋玉欄干
外流鶯嘯幾日慵妝人不知頓著青螺待畫睂

春野行

爛漫春愁在平野蘼蕪綠遠青山下柳眼桃腮不向
人黃蜂紫蝶知誰寡游絲無力百尺長暖風遲日空
悠揚了無根蒂是何物春光斷得愁人腸

吳苑行

姑蘇臺上春風起萬戶千門豔桃李曉色瞳矐到苑
牆管絃聲在長洲裏灼灼穠姿照水鮮競擅紅袖蕩
龍船博得君王一笑看潑翻春淥翠鬟濺

汝爲我楚舞

汝爲我楚舞我爲若楚歌楚歌慷慨調難和秦爲大
鳥入我羅鴻鵠一舉高天摩黃雀啾啾兩翅婆娑羽
毛不豐力未多野田有雉雛有禾將雛啄汝當奈何
母子相將善事他

董逃行

歌董逃天下健者董公刀洛陽城闕中天高董公到
來化蓬蒿狐狸居兮豺狼嗥彼黍離離彼稷苗驅逐

遷都萬姓號關東諸侯首表曹跣蹕鴈行翔且翺射
戟將軍控虎牢然臍一炬滅腥臊遺孽相尋遞魚休
漢鼎三分到一槽噫誰階厲桓靈朝王甫曹節常侍
貂鉤黨併戮殲賢豪大厦將傾梁棟撓斷頭何進才
斗筭不鼓洪鑪燎髮毛太阿回柄授人操當時獨任
司隸紹雉薨鼠輩更不勞召不時至刃可膏失機又
拒孫堅教遂使鯨鯢駕狂濤懷山襄陵勢天滔滄海
橫流競釣鼉殺盡蒼生董始逃

失釵怨

失釵覓不見唧唧屢歎息歎息含情君未測漫道釵
失可再得故釵已失何足追君不聞刈著失著女心

悲

關山月

關山月偏照征人骨幾處悲笳乘月發慘淡光隨沙
磧闊憶昔秦皇虎視怒開邊長城萬里築連連滅胡
更作防胡計荷負畚鍤兼戈鋌當時關山月幾圓三
十萬衆何人旋漢家四葉開邊急漫言不襲亡秦跡
馬邑谷中設伏匿單于免脫軍無獲兩將翻然徑引
歸入塞旌旗月照白秦時明月漢時關出關望月更
無還安得塞塵清兮罷征戰月明不向關山見

臺城曉朝曲

朱雀航頭見日出景陽鐘動千門曙珂馬當當九陌

聲紗籠燭照紅塵去天風習習閭闔開龍旗豹尾透
迤來寶鴨香濃橫玉几君王射雉火城回

行路難

行路難九折三危十八盤洞庭彭蠡波濤寬君不見
穆王八駿三萬里瑤池宴罷阿母歡歸來猿鶴化無
端又不見秦皇跨海渡洪瀾神人鞭石流血殷山鬼
傳語竟非謾王喬吹笙緱山嶺月明縹緲夜驂鸞雲
車風馭叩天關我欲從乞大還丹刀圭一食生羽翰
赤霄高舉俯人寰如帑之臭真可歎那免行路難且
艱

陽春曲

歌陽春陽春二月風光新踏歌遊女笑還嚙凌波羅
韞散香塵暖日園林桃杏豔如花顧影遺金鈿白馬
驕行何處郎珊瑚鞭拂垂楊綫曉起青樓半醉歸隔
花無語裁相見昨日錢塘蘇小家丰姿枉道最天斜

古釵歎

遊女得古釵爛斑帶莓苔戴釵人去不復回幾時失
墜委塵埃君不見龍鸞火珠獻魏宮身輕不勝虛奇
工又不見南齊佛刹碎寶像戴來步踏金蓮上極欲
窮奢各一時他年通德爲含悲古釵不逐朱顏改歎
息芳華惟爾在

春別曲

解三

送春別春別在何處柳映青門黃鸝語驪駒歌罷行人去送春別春別向何方雁飛南不度衡陽平蕪千里暮雲長送春別春別何時返握手前期道不遠書來只報加餐飯

春江花月夜詞

臨春高閣春來空後庭露泣瓊枝紅惟有無情璧月夜夜滿大江流恨波濤東長堤忽颭錦飄風春生刀尺奪天工千萬紅妝照江渚一聲水調桂光中阿麼苦愛江都好江都花月能忘老百姓迷樓貯怨娥萬株楊柳垂街道一朝河北煙塵生楊花無主從飄零六宮埋碧燐飛青梅花笑人識有徵空教詞客賦蕪

城君不見戰艦橫江躍龍虎六朝佳麗隨草莽平陳
之業竟如何可憐一掬雷塘土

讌客詞

春風玉樹華堂開織翠青葱上客來當筵絲竹豪且
哀美人行酒佯墮釵多方娛客妙難偕清歌未停西
日催畱賓且住更徘徊琥珀濃深三百杯要看朗朗
玉山頽纏頭不須蜀錦裁乞與新詞祇費才

蘭塘詞

廿四橋頭春色起山光染淥蘭塘水鏡底濃妝照日
鮮蘭舟蕩漾東風裏宛轉歌聲兩岸聞新翻水調誰
家子薄暮輕煙引素長人歸惟見雙鴛鴦珮環聲斷

杏何許翠蘋深處畱衣香

春曉曲

紅掩雙扉日初曙金籠鸚鵡驚眠語帳押文犀怯曉
寒雲敲寶鴨湘風護沈沈院宇瞰晨光芍藥闌干風
露香雲屏不動春山長紫燕雙飛來畫堂

拔劒擊柱歌

置酒未央宮一杯上若翁朝儀未定叔孫通吹簫長
者屠狗雄拔劒起舞壽乃公乃公昔年宴沛中慨以
慷兮歌大風斷蛇三尺倚崆峒犄角楚鹿韓彭功吁
嗟猛士竟不容既安且樂誰與同相國碌碌刀筆庸
請苑不免禍謫逢畱侯變化矯如龍見機而作從赤

松君不見東京甲第羅將相功名圖畫雲臺上殿陛
曾分兩虎爭咸陽不責稱王狀當時爪牙豈盡賢保
全恩禮終無恙拔劍擊柱歌且呼誰與叫天訴無辜
駕馭無術方誅鋤馬上得之輕詩書治理安得東京
如

洗研

盆池注水清且深臨池浴研元雲沈十指盡黑似潘
谷濺沫時復涅我襟蹶然自笑何苦爾鬚頭頑奴力
能任朝來付研姑試可戒以油污圭角侵頗訝出水
乾大劇旋試滑比凝霜砥摩掌更覺沙礫礮諦視有
礪石之陰良緣拂拭用鹽巾側立顛踣當階心吁嗟

委任誠不易鐫詩於研銘兼箴

水仙謠

馮夷伐鼓聲闐闐
驪龍抱珠驚睡珠宮貝闕月如
晝萬里寒光雲葉鮮
鮫綃裊帔何翩翩
非煙晻靄顏如蓮
吹簫忽作龍吟水
羽扇徘徊半空起
波濤屹立挂天高
若有人兮踏赤鯉
一片紅霞海上飛
月落波平人去矣

謝公墅歌

試問謝公墅何如山
公池池頭倒著白
接羅墅中靜對紋枰
棋荊州父老劉公思
羊公裘帶安可希
豈如東山人爲蒼生
起更兼子弟佳無比
誰言塵拂是家

物當時焚却香囊紫北府先聲敵破膽未遣秦兵渡
淮水一笑常因局上贏及見捷書不色喜誰知謝公
深意在憂讒畏譏從此始他日將須桓子野使君不
凡感於此功高不賞古所懼雅量詎忘折屐齒西州
門路痛羊曇別墅雖空知免矣

寄遠曲

寄遠人乃在潯陽極浦大江濱色絲千繡錦迴文琅
玕玉案百和薰錦以當書心曲論玉以比德況夫君
香以結契似蘭芬別來幾歲斷知聞登高延領但浮
雲五弦綠綺寫懷頻夢中彷彿見難真隔有岑兮山
有榛路遠莫致增憂慙

田家畱客

效王仲初

雞棲豚柵直路邊雨來卓午兼風顛有客有客衡門
前馬蹏凌競障泥濺童僕襍被困一肩問客何方來
何緣一笑相答情欣然肯畱未覺村野偏黃梁飯熟
土銍煙爲客殺鴈烹小鮮曲突暖屋炕可眠信信宿
宿從客便連日風色慳晴天雲往南兮雨漣漣此語
可信長老傳

春來曲

春從何處來風吹桃李故枝開縷金楊柳蔭章臺九
衢寶馬車殷雷春遊攬勝列尊壘上客先浮鸚鵡杯
柘枝雙舞畫鼓催酒闌歌伎插花回誰問青青陌上

桑抽葉有渰萋萋潤穀茲只有東皇著意暗栽培

春去曲

春已去去去天涯遠佳人錦瑟怨華年春山睂皺清
揚婉折桺誰家唱豔歌落梅何處吹高管含情無限
送春悲春去春來定有期莫教惆悵惜芳時泣向東
風損玉肌

公無渡河

公無渡河公不見河中高浪白
戕戕下有食人鯨與
鰐公竟渡河渡河而死逐洪波
公實自取非由他公
乎奈何安得駕梁鞭鼉鼉公復出兮披髮歌

田家行

三才集卷三
一
隻輪車禿尾驢
大戶小戶輪官租
官租輪罷困倉餘
釀秫成酒不用沽
雨足春畦擷春蔬
東鄰西舍邀歡娛
田翁詐醉泥孫扶
長男生子爭含哺
中男取婦孝於姑
小兒假館粗知書
豐年樂歲一事無
聞道皇家賞舊逋

別鶴曲

鶴來不知何所希
鶴去不知何所違
主人好鶴別鶴悲
爲語主人從鶴飛
九臯清唳知音稀
沖天志恥爲人韉
雞鶩齷齪稻梁肥
莫嚇遼東丁令威

烏棲曲

烏欲棲烏欲棲時
君未歸君王何在江之湄
烏號繁

弱射江麋章華宮人望君悲蘭膏樺燭長夜輝娉婷
恨斂千蛾睂巫山神女省見稀朝朝暮暮從君嬉彼
姝者子安可希

擬高啟贈張宣草書歌

顛張已號東吳精禿素更使神鬼驚後來作者凡幾
輩毘陵張子今崢嶸濡毫忽見蛟蛇走潑墨頓覺煙
雲生斜斜整整花絮亂浩浩瀚瀚波濤傾酒酣耳熱
復絕叫其時把燭當深更觀君能事繼乃祖出林飛
鳥仍縱橫本非善幻出奇怪亦無欣戚膠中情古云
藝進道乃見神悟不僅傳父兄方圓曲直似匠巧培
植灌溉如農耕技成觀者訝奇絕良工自視真平平

天然造微豈不好所恨嵬駘爭先鳴正如作詩務雕琢乃以一竅傷全明丈夫事業要平坦有足不向崎嶇行鍾王雖遠有遺則肯以砭砭滑連城南崗士夫不寒乞謝家夫人冰雪清張子放筆酒已醒仰天大笑冠絕纓

擬東坡贈錢安道兼寄其弟惠山山人

宦遊到處渺煙水飽看船頭沙驚起簿書鞅掌幾時閒偷向閒窗弄書史東西南北無不可客舍鄉關相去幾不嫌醉吏惱丞相祇要掾曹哀老子辛勤竟日得嬉遊啖蔗徐知末偏美先生才力本豪健顧我疎慵真遠矣鉛刀利刃互磨淬凜凜清言霜入齒相知

四海有幾人常歎平生子由耳君家仲子有微尚袖
手良工不擺指他年王烈遇嵇康分我半升青石髓
擬楊廉夫張公洞

韶州清遠峽有山名觀音巖巖底有洞名雲
華洞下爲海眼不可入也

善權之洞我未到和詩聊說舊遊洞舊遊之洞號雲
華窅在深巖絕塵哄江流浩浩經巖前截嶺欽峯俯
溶澗土名舊號閻羅碓巨石垂垂似飛鳳艤舟碓下
試昂頭大斧劈開千仞甕何人架構起危巢磴道縈
紆亘長竦老僧師弟纔兩人薇蕨雖甘無土種硤中
朝夕復何睹曉日鎔金月流汞與僧軟語更搜奇一

洞孤藏難伯仲下循積鐵到深黑恐有潛蚪送禪供
人言直下際水府驚電飛飛裂崖縫我聞此語殊未
測曼倩雷車安敢弄真宰好事絕可憐作此崎嶇竟
何用聞思大士妙莊嚴億萬天人駐飛鞚善權靈跡
孰與此未到難爲譏與頌他時杖策款雲關十里山
雲管迎送

劉文清公遺集卷第三

劉文清公遺集卷第四

七古十九首

古銀槎歌

光芒藻采何鑿落朱提銀器誰所作海上星槎渺難
見巧匠形容妙相若星槎來處飛靈虬紫瀾沓沓騰
陽侯仙人手持書一卷傲兀槎上如乘舟良工製此
亦何意紅褰邀醉翻紅榴燒萸藥玉太寒儉把盞欲
問天邊牛紅鐙綠酒玉山倒狐裘羔袖擎鏤鏤畫家
難肖在狗馬神鼎翻思溯殷夏瓌奇恢詭更相誇巧
範誰知到尊竿偶然見之不敢醕恐是羣仙來作社
我思羽駕扶桑東飛身直瞰金輪紅茫洋一笑比海

若矍鑠顧視東王公靈槎飄然落我手鸞車虎瑟喧
瑤宮却話人間酒酸醑甘瓜苦葉酣村翁羣仙聞此
競拊掌紅雲正捧虛皇躬

下有脫句

擬王右丞桃源行

桃花流水人閒春漁翁何意尋迷津桑麻雞犬太平
世神仙豈必秦時人畫圖曲折寫隈隩蓬島方壺在
平陸好因楮素憶田園便託篇章謀水竹已道神仙
屬渺茫仍思隱逸尋初服淵明雅興記仙源想像商
山住綺園不從魏晉論征讓直作羲皇隔世喧山經
海志情遙集高蹈分明避區邑彭澤翻然解綬歸匡
廬偶爾聞鐘入當時寓意有無閒曼衍危言千載還

落英芳草年年好常遣遊人夢道山仇池福地真難
見漫向神州論赤縣當前景物總燧巢何處寰瀛誇
奭衍祇見桃花開落新那聞逝水東西變望裏雲山
深復深竹籬茅屋帶青林一聲欸乃投前浦春水春
山結伴尋

海市用東坡韻

海市之說真鑿空豈有貿易滄溟中東坡先生偶一
見逸興采入蛟鼉宮下脫二句便疑海若禮遷客隆冬時
節驅魚龍羣仙聞此應大笑此老倔强真癡翁平生
顛沛坐多口猶以文字矜豪雄青紅變幻本無物世
閒物理原難窮山氛澤氣各有市大率陽燄蒸春融

相彼渴鹿見野馬謂是一水流還鍾海中珍寶定無
算何處作市論嗇豐他年酒器鬻且盡杖頭幾許挑
青銅便當作書達海若貸粟可有莊周風

并蜂

并蜂有戒童未知舉扇戲捕屢獲之相狎爲愛楚腰
者猛驚乃遇黃鬚兒乘高下擊不及避藥淬鉅鋒毒
入肌如彼刺客投刃去仰面已見垣外飛我聞皇甫
持正狂且癡遭螫忿怒擣作糜當時仇者早遠颺無
辜冤橫羅網罹由來小物不容慢變色可以悲後患
咄嗟更語彼小童洩忿慎勿皇甫同

驅蒼蠅

歐公作賦憎蒼蠅吁嗟蒼蠅誠可憎我方長日展書
史緣頭撲面來相仍有時握管試作楷研邊啞墨舌
如釘旋繞筆端揮不去豈有赦詔新草成昔聞聞者
邁嗔責又聞起逐揮青萍我今初不煩爾爾析竹如
簞風雨聲疎簾半卷驅令出偏突窗紙緣窗櫺冰盤
面闊表裏淨水晶寒玉堆峻嶒網漏三五不知避誤
爾觸之寒不勝塵尾一揮便墜落呼童埽棄投秦坑
滌濁除穢莫如盡屏諸遐遠從營營免教齷齪華堂
裏適從何來遽集此

研山歌

曾聞海嶽蓄奇石研山一片畱人間峯巒洞穴七十

二寶之不異球琅玕自謂此石非世有元從仙窟來
塵寰我聞其狀目未睹摹擬想像癡可歎重煩好事
作圖繪如古姝麗畱雲鬟物求適用近自足奚爲耳
食羣相謾蒼然入坐秀且潤疑有煙霧深回環高巖
嶽嶽峙雲表對之睂宇羞庸頑小山落落瘦含骨不
數賈島詩肩寒中有細路入奧窔微蹤如縷誰躋攀
管城子可營湯沐虬蜉王欲迴旌罕一卷已具衆形
勝來與吾研爲屏藩窗含積雪縮葱嶺池添活水增
鯢桓當時誰取自崖谷寧無風雨山靈慳中更幾姓
落誰手依然拱壁常堅完明窗淨几作清供配以巨
鼎焚艾蘭煙從研背散書幌蘊藉雅異金博山欲求

新句壓米老移時面壁同參禪石當助我一邱壑詩
將山秀均堪餐

題畫松

畫松兼畫松所宜丹黃蛾綠隨手施融金屈鐵共斑
駁綴瓔積翠爭陸離穠纖不類偶並峙妙筆作合疏
者昵圖成絕豔壓春色英華掣結方能奇

題施靜波畫冊四首

倣王叔明

松柏蒼蒼夾山路一重一掩雲扃固舉頭時見一綫
天峭壁懸崖起無數蛇蟠鰲伏徑稍改環曲紳拖溪
屢渡此中豈合有人家只許羣仙最深住黃鶴山人

不厭山愛山還向畫中看有時得意驟揮灑頓移真
境來人寰丹青入手盡活潑林泉落筆隨飛翻同時
流輩爭秀發後來邱壑誰追攀披圖忽見煙巒大乍
恐峯尖穿屋破青螺秀色饑易療白晝高軒遊可臥
臨摹似欲脫羈束壓倒前賢成一箇不須軒輊古與
今且喜未遭寒具斲

倣曹雲西

雲西老人清且奇此語得之吳仲圭今觀臨本尚如
此何況盤礴明窗時水清礚礚青露骨風高簌簌紅
辭枝寒江如練淨可翦魚舟一葉輕垂絲鴈陣何來
掠雲白三三兩兩如行客中有回文錦字書傷心一

寸遙山碧山外秋光在畫中煙草斜陽千里隔漁翁
倚棹得輕安青箬尖餘落日赤石上雙髻跡已湮桐
江不見羊裘人持竿把釣定誰氏宛在中止難相親
雲西頗得右丞筆捕魚一幅同清新若教展此應歎
息後來居上重添薪

倣趙大年

草堂月色明如晝柴關未上初更後堂中主人在何
許揖客門前風卷袖菰蒲脩脩雨聲響松竹森森龍
影走繞村一片淨無涯冰壺世界清寒透此時此客
來何緣青衣抱襍衾囊偏白駒不勞芻一束湖中艇
子橫蒼煙攀嵇千里常命駕訪戴一夜仍回船相思

徑往意頗烈興盡而返情所便未若此圖佳主客往來定復連晨夕須知高節貴能通縱愛清言莫成癖畫師家世本王孫丹青見許文章伯即今撫手亦超然不得蘇黃畱翰墨

倣惠崇水村圖

惠崇寶覺兩畫師崇也最得涪翁知水村一幅見遺法想渠得意荒寒時空明一色淥無岸人家幾簇編疎籬鴈鴨飛起傍蘆葦垂楊萬縷風中絲却怪鷺塵杳何許此閒盡日無煩暑品題惟有半山詩移我脩然墮洲渚江南三月泛桃花處處煙村成島嶼小橋孤艇往來通展卷如聞煙外語當時落筆已見珍於

今罕見空傳聞人間此境不難得誰與生面重翻新
眼處心生句自神秦川貌取夕陽真丹青寫照亦如
此撫本傳來自越人

題或人岫嶠碑詩後

岫嶠之碑世莫窺此語已見韓公詩而今更歷數百
載忽出拓本此可疑我讀禹貢攷明德隨刊一一較
列睂衡山紀績果有作施功次第應堪稽胡爲文字
近詭祕不傳實事傳浮詞六家箋釋已紛紜好事賦
咏尤支離顧此僞物不待辨真者何在勞嗟唏

玉波冷雙蓮

并引

詠吳宮二隊長也事見唐人說部中高季迪

爲補其詞未盡題蘊朱石君邀予同作石君
兄弟服膺昌谷於此題固應有佳致予被牽
率苦難競美也

紅冰一片凝雙魂江婁夜弔秋煙痕修頑雪接弱無
骨對泣餘膏咽孤月嬌憐負轉如流彈覓影不見空
折盤蚌珠拾得無處著歌怨莫邪聲更寒江中碧化
古時魅裁珮偏宜素腰膩唾壺已碎失臙脂濃入吳
波波亦醉故宮雲老東西迷十二欄干鎖玉肌吳蠶
作繭不裹肉飛出雙蛾向江哭烏啼紗綠機聲絕餘
織青紅兩雌蜺青鋒祇欲飲螭螭臂上守宮鵲未滅
慈恩寺塋題名拓本

朱家兄弟出近作長歌韻盡十五咸慈恩浮圖見遺
刻古意觸發難鋤芟遂驅逸興幹大句奇峯對峙雙
岳巉而我何由更著筆強欲屬和勞詰謫我聞此壙
在唐世高標地近王城嚴孤撐拔起三百尺絕頂與
世殊仙凡曲江宴罷馬蹄疾來試飛步登巖巖高材
捷足快先得濡毫不異書頭銜開元天寶盛文物少
陵一唱羣英誠終南烈風振襟袖函谷新月流杯棧
五言格力各雄長四豪壇坫連旗幟遺詩三復動增
慨不聞妙跡畱雕劖題名倘見可小慰芻豢未得思
螺螄朱君所友亦博雅解從市物回精監豐碑幾許
付灰劫却憑佛力逃搶攬金石文字古所重好事集

錄成號饒荒林破塚掘神祕往往荆玉渚珉城嘉此
刻畫近典則昔賢風骨窺碧嵌如林姓氏那容問十
得一二情已杳兩篇適筆造曩哲縋鑿幽怪囚尅越
精能頗似玉川子蒼龍朱雀遭譏讒短章黽勉愧難
繼如以緩步追風帆秋風肅肅落晴昊虛庭自爽疑
松杉遲君聯璧重來過相與嗜好論酸鹹

題研

歙州端州皆出石歙乃先出端後之歙產剛勁露廉
鏜端貢膚膩凝膏脂歐公譜研首龍尾鋒芒索索無
柔姿爾來貴賤頗異古軟者易合剛難施君不見華
原石泗濱磬古人不取今人聽

曹劒亭朱竹君石君見和齋中研山之作再用

前韻簡之

襄陽米芾有石癖嗜好乃在癡黠間不知石狀竟何
等矜詡絕勝青琅玕江山放眼大自在五嶽突兀雄
人寰胡爲咫尺自局促一卷得失興嗟歎我觀米作
劇刻畫橫峰側嶺羅煙鬟又聞吳興趙氏說圓荷受
墨相誇謾初嫌二子太瑣屑孰知欣厭相循環窗間
三面舊所蓄峻嶒秀骨非麤頑愛渠中有百邱壑苞
孕元氣藏暄寒我時假寐坐其下以神爲馬聊躋攀
山靈與我互主客煙霞變滅輝雲罕夢中有作猥徇
請放言霍霍無籬藩文詞假借頗溢美欲視公爵圭

封桓覺來止見一片石翻然悔悟心生慳吁舌已出
駟不及追還一二餘非完兩君好事有同嗜臭味不
隔如吹蘭競將險語吐肺腑椎鑿幽怪訔神山而我
牽率更覲縷葛藤筆墨如枯禪報君竅麓取石髓氣
如梗飯君當餐

覺生寺大鐘歌和韻

耿耿佛刹朝天龍寶幢夜映扶桑紅春雷一聲撼大
地起發孱僂伏虢凶趙趙猛簏壓甜談撞聲真與鳴
聲同金剛不緣莛擊損花雨日遣蒼苔封云是前朝
侍燕邸道衍所鑄之洪鐘緇衣白帽兩寂莫輪囷畱
此銅山銅不作金人立宮陛却憑佛力銷銼鋒爾來

荏苒四百載層樓日日殷高春時逢遊客訊原委坐
談猿鶴論沙蟲開門豎子歎羣儒祠碑智士憐孤忠
此鐘不與世變滅如彼觀井圓閒空鐫題可辨大小
沈梵唄誰記南北宗有時鞶韞越區外渾疑鈞樂來
寰中木魚鐵磬送繁響可憐鉅細難相從鍾山龍蟠
久寂寂

皇都驚嶺何隆隆龍光咫尺照幽隱劫灰一洗前塵
蒙咨嗟已歎歲月古摩挲更賞融冶工懸之高閣上
雲表較輞沸渭鳴天風虹梁偃蹇架反宇萬楹叢倚
蓮花宮二三法侶盟清曉羅睺一擊開心胸耳根那
復滯起滅識田頓與除高蓬此聲不似劒首映轉輪

獅吼堪同功煌煌

聖藻振天筆海潮音發昭羣龍牟尼意珠青蓮舌稽
首持世真大雄長歌屬和到枚馬詞成慧海難追蹤
方今雅樂化萬國履端視正如齊童蒲牢應節兩階
舞百寮拱聽瞻肅雍此鐘位置亦得永和法鼓聲
逢逢

舊滄州鐵獅子歌

廢城落日蒼煙昏上無睥睨下無門半城荆棘古木
髡行人馬蹋破瓦駕馬行何見駭以奔行人回首驚
旅魂有物突兀頭昂軒踞地欲吼聲復吞下馬逼視
以手捫不及厥臆矧厥元跼蹐弔古尋其源五季橫

流滄海渾帝紀食人劇煩寃石氏孱郎割邊藩燕雲
已削無外垣橫磨十萬禍乃孫雀兒負來大鵬騫垂
天之雲何掀掀膺擊南服江濤翻盡獻江北受胙膳
垂頭三關怒責言駕馭馳驅育與賁毀撤北國折柳
樊吁嗟旣殂事偏反都點檢立萬衆喧吾聞獅子百
獸尊當時鑄形意何存騰陵絕域志弗諼不然鐵牛
石犀倫鎮厭灾妖壓厚坤茫昧事迹湮莫論惟見雨
漬苔蘚痕磨礪雙角誰家犍城空夜黑鬼物繁揶揄
拍笑青燐燐哆口張頤納朝暎空腹如屋深且溫腋
下洞穿誰作閭探丸之子中聚屯太平庶富安饕餮
三里五里千家村道旁覆甕閒高墩弓刀滿架插不

援酒帘風過颭旗旛回首新城橋蜿蜒橋頭瑩石梭
猊蹲嗟爾頑鐵昂藏體質敦幾經憑弔閱寒暄

村樂圖次韻

一重一掩村之頭既平且衍亦復幽人家兒女更雞
犬欣欣南陌連西疇一村幾姓聚族處不分異縣還
他州天時並與人事好只有雨露無蝗蝻洗腆自致
聖所許家家秬稻供新篳今年村中大作社賽神已
罷還相酬百日之勞一日澤情親何必繁文稠競將
菽粟媚翁媪木杵漆箸青甕甌方言土語共爾汝顛
倒盆盎傾筐簍日斜醉飽各歸屋亦有場圃眠即休
延師門館教論語捉兒學舍同拘囚龍豬未可今日

辦冬烘且勸今年畱但稱識字便已足況能應考何
多求皇家科名判文武或持弓矢操戈矛長刀巨石
不嫌重鮮衣怒馬殊難周幾人得意盼芹藻大喜躁
躍如猿猴婚姻以時六禮具淑姬不羨東門漚媒來
誇說某氏女是家非我無能謀尊章已懷嗣續慶阿
母尚切豐匳憂敲鏗鑼鼓聞鏡管奔馳童孺超樊邱
郎看馬上美無度婦窺簾內容難儔生男出仕耀閭
里生女作配封公侯歡娛已極復壽考淳風不覺年
華流是誰爲此巧盤礴景物似寫豐年秋囂塵正爾
隔城市錢刀那復爭持籌丹青不記歲月古試看百
尺松梧楸桃源避世本非樂仇池入手偏多尤無懷

葛天在今日蕩平正直遵王猷日星輝煌麗珠璧杭
稌充羨蟠蛟虬蠲租賜復徧天下高原下隰均鋤耰
農安畎畝士學校工勤廛肆商車牛山川光芒出瓊
寶草木鮮好無瘡痍千村萬村接煙火關河襟帶還
咽喉衢歌巷舞樂復樂歷痿起走瘠聾瘵堯民圖畫
傳萬世天長地久同悠悠

劉文清公遺集卷第四

劉文清公遺集卷第五

七古二十七首

題裘司空斷碑研圖 并序

辛卯春仲萍鄉道中接得家書有七言一章
乃家大人爲司空裘公題斷碑研圖因和一
首友朋中多有見此研者而和詩尚少丹木
同年偶來官舍談藝所及錄以相贈即求和
章他日呈家大人並柬司空也

文忠之碑文成研曩哲相見於茲圖非碑非研以人
重豈若楚珩與魯璆當年墨妙亦偶爾物有成毀良
區區忽思韓子論孔墨奚不相悅如是乎從蜀何至

遂仇洛師陸誰曰全非朱正如耳目異鼻口漆園終
篇有感夫前賢後賢又相契唱酬詩畫而豈徒侑以
古器贗亦好雖非古製存古模金石同壽祕此卷津
梁寶過中流壺

善溪十六叔父寄惠司馬溫公神道碑摹本賦呈
兒童走卒知司馬身後碑銘誰可者能事須推第一
流泉源萬斛看傾瀉文成擘窠字千百顆顆驪珠光
照把此碑閱世幾滄桑風行海內非脛踝臨池太息
熙豐閒朝列森森姸羣雅無端紹述啟僉王黨錮清
流亂侈哆當時黃髮幾人存事去諸公空飯社區區
詞翰亦何有禁網紛紜付黥赭紫黿聲色久銷沈星

斗光芒自分野豈惟大節冠一代興起還論百世下
凜然生氣在行閒想像微辭笑啞啞

題沈民則字冊

永樂中勅諭五道

鬱然開緘紙猶馥學士姓名在首幅靖江藩封本支
續生子嗣名恩誼篤奏御以朱點其牘曰俶曰歷餉
與羈用家人禮書相復松潘極邊戒戎伏所部修防
要勤督大監節制師武屬憲臣肩隨乃其副中鹽河
東嚴滲漉御史巡行申令肅道路宜譏牆宜築偷撈
竊販致刑獄靈藏堅粲巴藏卜贊善王封姪繼叔絨
錦紵絲綾絹束寶輪鈴杵夾經袂賜物或單亦或複
善心永享太平福朵顏福餘聚姻族效其良馬供驂

服匪頒上幣華且燠厥後心攜始猶睦五篇蟬聯文
可讀字畫矜莊非局促考鏡得失資史錄閱數百年
遞藏匱故物流傳憶前躅几淨窗明看不足

竹刻王質觀棋圖

漁人在水樵在陸仕者在朝隱者谷仙人自與凡人
殊那向凡蹤覓仙躅忽然遇之不可期乃有樵夫逢
對局樵失其柯但餘斧此語紛紛詫流俗誰爲證之
誰爲傳庸人信耳不信目仙家日月本來長一日還
應百年足胡云木葉變青黃俄頃陰陽分起伏果如
此者奚云仙仙壽不如龜與鹿瓊堂玉宇亦不見容
彼負薪闖入屋我知仙人戲爲之要使癡人驚世速

忘情榮貴矧遺柯敝蹤妻孥棄親屬入山他日得長
生壽命無涯從此續祇應柯爛亦非真却怪當年亂
心曲作詩一笑溷白黑竹到眼邊眼到竹咄彼奕者
是空花更尋空果何由矚

伏生授經圖

百家諸子紛成堆故應一炬隨飛灰至於大聖有述
作譬如雲漢長昭回祖龍區區力幾許六國孱王是
儔侶如何焚得聖人書達者寧當信斯語百篇文字
傳訐謏儒生誦之如拘墟老儒未死亦可問況有一
女爲其徒大夫口受錄簡策獻之天子動顏色到今
圖畫見儀型好與流傳勒金石此心此理千年同祇

應訓詁時未通百篇不足早逸耳漫疑蒐訪無全功
古人編竹今貫綫萬卷雖多常對面但恐讀書不悟
莫恨書未傳試觀易象春秋論語與夫周詩三百一
字未火寧不然

范蠡載西施圖

春流漾漾紋縠紗漁翁漁媪宜斯家娟娟美人何來
此追尋往事還興嗟一笑傾城再傾國沼吳定是何
人力剛戾忍詢者爲誰當時祕計羣豪推經多世故
身老矣扁舟乃載吳宮姬興亡轉瞬那能久小像黃
金更何有一櫂曾畱文種書狺狺被譖吁多狗

送周景垣座主奉使琉球

吾師過海去海水春悠悠青天磨出碧銅鏡白日照
爛珊瑚鉤借問此何行天書下螭頭中山之王傳世
土儒臣將命承天休儀曹送衣燦宮錦上有負仁抱
義祥麟遊戔戔萬斛船浩如鯨鯢浮船頭到船尾行
倦中遲畱閩疆對海門遙望三琉球明珠晃漾目光
眩山川城郭一氣如圓球清風何飄飄披拂三神洲
神清之洞渺何許髣髴瓊樓玉宇可見不可求雲中
雙鳳來赤岸高帆收君臣紛迓到賓館祥光瑞霧環
行輶冊書讀罷日當午鼓舞海若騰蛟虬使汝國祚
長使汝福祿曾使汝嘉穀無騰蝨使汝邊境無虔劉
天子億萬年長撫大九州爾邦之君世康侯錫馬蕃

庶百無憂天使駕言旋載道聞歌謳何由識天使綵
服豐而修過此一萬里西望峨眉秋神仙中人此焉
宅碧雞金馬翔巖幽笑攜綠玉杖來朝紫綺裘飛凌
小海翫海鷗清辭麗句敲琳球荒唐與細碎囊括談
天鄒賦海不道鹽區區木張何足儔歸來就中有東
海我從夫子追冥搜

終軍

三表五餌語鑿空巴蜀諭檄勸非諷嚴助發兵徒擾
擾子雲過嶺尤夢夢久矣文士不能武祇以詞章希
侍從欲憑赤手縛於菟竟使羣雞啄孤鳳古風一往
不復還萬事總拋挾筴誦倉皇一試便蹉跎宿昔多

言只喧閨嗚呼數子亦卓犖所就如斯况庸衆棄繻
但博關吏誇賜帛原將舍人共乘障博士更可憐出
塞騎奴真足用

赤壁圖

武昌樊口奚爲來江聲著枕驚風雷大厦棟梁正須
要乃向荒寒寂莫老此礪砢節目之宏材遠遊無時
干吏禁憂貽典守幾窮哉他年召對隔簾語玉堂照
耀金蓮迴以氣自擠那得常侍從且看中山帥府一
盆雪浪還成堆

閻立本職貢圖

貞觀上理世所歎只可想像無由看丹青馳譽傳右

相尚有鉅迹畱人閒河汾弟子半策府君臣魚水何其歡洪鑪蕩滌救寧已乃以垂拱收戎蠻其來萬里山又海所歷幾歲燠復寒已輸異寶更用物或遣愛子仍達官圖中一一爲摹寫心知實事非誇謾與史相證不相牾偉哉六法侔三難坡公作詩實雄覓篇終一喟情非閒北朝再往或排富西師屢敗誰攸韓封樁置庫尚有志澶淵議幣成偷安白溝他日在淮上汴河風景圖張端吁嗟繪事誠小技盛衰強弱垂不刊君不見皇輿拓地二萬里戰圖億萬斯年觀

前燎螭

北人向南已苦暑况乃蚊蚋紛相遭青天露坐思一

憩耿耿星漢懸秋高旅懷雖復乍根觸清景亦自堪
遊遨忽然有物來噉我暗中抵巇無由逃裁驚芒刺
救辛螫已成風痲煩爬搔控搏不得忿莫釋隄防再
至心尤忉倮蟲之長役萬物擾龍狎虎釣鯨鼈嗟此
微渺制無術坐使玉體供饑饕塞帷恣噬更非理區
區求伯拙且勞豈知天道有時殺付我一炬青煙蒿

後燎螽

古人除害有其理鋤頭有眼苗不戕良醫治病病去
已受治之處無痛瘡降而不能乃剽賊稂莠縱死嘉
穀傷惡石美疢兩相剝沴氣已中神所藏灼然此理
吾不昧間中有觸重推詳北土蚊害未爲劇燎以蒿

艾兼青黃濕烟雖復強鬱勃潛膚猶自能飛揚南方
豹脚惡難似惡業所感傳薰方硫黃液毒泉水沸鱉
魚骨發尸蟲狂么麼吻觜那堪此五步之外聞煙僵
我來初喜試有驗旋覺逆鼻難爲常較量二害孰可
忍竟夕不寐空彷徨何時地長一莖草烏喙比力蘭
比芳百蟲擾擾莫敢近服媚君子仍馨香

陽明山人銅章歌

陽明山人有私印我從遺物追豪雄波流頽靡道術
裂獨開奧窔梯虛空微言豈必諱釋梵壯藻頗喜妃
青紅偶從何李預文社幡然伊洛追遐風奇功不世
竟晚錄譌言謠詠紛相蒙青蠅白壁詎能污蚍蜉撼

樹知無從黑白論定三百載卓然乃作儒林宗文章
道德不磨滅光燄萬丈常騫种磨崖巨碣何磊落東
札細字尤精工當年落筆未草草到今遺墨歸瑤宮
蟠螭小印舊押尾丹書四字神霄中吳儂爲公作小
篆託公不朽垂無窮摩挲太息有遺憾河汾弟子誣
王通培塿或在泰山趾詎以履扁傷穹隆

和王臨川杭州修廣師法喜堂韻

堂中了了見文殊道人心似秋潭虛不求五欲以自
恣以法爲樂喜有餘青山白雲遠縈帶碧梧翠竹交
扶疎乞食一鉢萬事了洗鉢宴坐忘朝晡門外紅塵
坌十丈塵中有客常崎嶇清談名理侔衛樂高論康

濟追唐虞偶來憩息意良愜尚有客氣論賢愚教乘
滋茂信有力廊廟何必殊江湖

再用王介甫法喜堂韻

西方東土道本殊誰鑿混沌梯空虛羲皇已遠道術
裂剽竊況出秦燔餘赤烏白馬競流衍漆書竹簡從
凋疎儒生治經不得旨僅以章句窮朝晡下脫軼材
一二頓纒鎖譬彼即鹿原无虞爲龍無角蛇有足更
笑且閔誰賢愚飲水須自辨冷暖莫隨人語論江湖

浴象圖

寶樹掩藹層霄中如幢如蓋迴龍從掬水洗象象愈
白蹴躡雲物凌天風巨杵擬碎修羅窟寶盆或出龍

王宮修眉廣目各殊相顧盼往往流晴虹耆年順世
示華髮穉齒具慧含星瞳圖中色象不可執一一非
有仍非空象王爲身有神力畫手似之形神融乞將
一滴濯塵垢入香水海俱無窮

熊野山徐市廟

九州之外更九州三山環以弱水流大魚吞舟不可
往登高望遠令人愁當年徐福載秦女小國寡民成
什五海中生聚自年年一任春風更秋雨祖龍目斷
雲海空石橋已圯神鞭紅韓國公子最美好泗上亭
長真英雄荒唐像設畱巾寫簫鼓無聞況牲璧徐郎
老去不思鄉爲鬼爲仙兩無迹紛紛妖妄總堪憐五

利文成亦解仙不如海岸風煙古坐閱秦年與漢年

贈金華隱者

仙者何人釣連六弱水三千問真籙求仙如此亦良
難何似名山棲幾曲洞元靈境貯煙霞鬱鬱窈窈真
人家清泉盡是瓊巖乳碧樹全開玉蕊花霞裾雲帔
誰家子偶慕尋真遂來此鏡裏顏韶兩鬢青鑪中藥
熟三彭死黃家兄弟好同遊春月秋花洞裏幽吹簫
月下應乘鶴望氣關前更御牛平生自是悠悠者爲
訪仙蹤到山下仙花仙鳥不知名白雲深處釣絲輕
圍棋一局松陰轉老屋三閒藥徑平何年恬漠辭塵
網畏壘庚桑就豐壤鹿田親爲把鋤犁莫掩雲關祕

音響

次韻題五君子圖

松柏竹
梅水仙

草木英華比君子標格各殊本天性松耶柏耶寒不彫猗猗青青瘦何病縞衣立雪靜無愁羅襪凌波清有興爲材落落宜晉楚彼美娟娟非衛鄭寫真乍可判妍傑衡品祇應論季孟懸之坐側思無邪賞以新詩義歸正皆有一體惟所裁亦如五德旋爲正

老杜浣花圖引次山谷韻

子美初入長安城臨文巨刃摩天青逸才已獻相如賦壯志欲取終軍纓豈期袞職無補綻淪落江湖空萬卷浣花草堂亦何有目極春城北斗遠拾遺畫

省隔香鑪橘洲桃源想雞犬杖鉞終然愛故人幕中
野外時相見紛紛輕薄爾何人末節誰求王翰鄰江
邊苔竹常常別門外鷗鷺日日親却憶長楊垂獵騎
更思梁宋追高李惆悵魚飧招不回飄零羽扇呼難
起中原劒戟纏兜鍪眼看惡少羅公侯從來不作一
身計至死只爲蒼生愁畫中寫貌殊磊落有客如斯
詎冥莫故居蕪沒壤西東粉墨千年爲改作美哉山
谷引此圖丹青一引能繼無

題夏博士畫王右軍

南北分疆龍虎嘯煙塵遮斷長安道無人挽水使西
流坐致中興成再造王氏諸少美且都誰與千載還

畱圖壯懷遠畧不一試轉疑志大才原疎偶然發露
亦卓卓不似深源宜束閣會稽內史右將軍冗散簿
書非帷幄危言苦論無神奇折薪曲突誰聽之蘭亭
春風翔燕雀漫攜兒輩聯吟題平生底處論心曲傍
海依山寄幽躅崎嶇萬里阻峨岷陶寫中年賴絲竹
流傳遺像昔猶今清真瀟灑煩追尋丹青盤礴夏博
士筆墨不賣千黃金吁嗟乎東遊之計未爲失清譚
惠帝由溫立置人壁後倒手板豈暇中原事討虜風
神疑是復疑非紙上如流顧盼暉玉室金堂人不到
騎龍駕景神飈吹

子昂射鹿圖

吳興山水何清遠不見塞北雲沙長筆端朔氣何颯
颯割鮮便擬燔炮香金僕姑撚曉霜滑驚鷹跳越青
石梁獵餘校獲被原野明日炳蔚看施牀圖中寫意
不形似想見白羽生風涼天水王孫甚都雅高冠玉
佩青霞裳丹青綺麗不可忘東丹二妙畱千霜

九日登高和敬菴十兄韻

沈寥天宇秋氣高霜風卷野收蓬蒿從來節物貴重
九尤於客中遊興偏稱豪古人不可作古木猶升猱
青山紅樹刻露見根柢一叢黃菊紅豔催吟毫矯首
識者睇萬里連溟濤家山知在日邊遠但見北來鳴
鴈嘹唳求其曹別離已度幾重九流年過眼驚滔滔

何時與君復舉對牀約細數往事有味如醇醪閩海之漫漫兮使人登高望遠意多感不如九月酒淥肥雙螯

先文正公與尹文端公南河差次倡和詩用東坡黃茅岡韻自書墨蹟幀子敬和一首並索丹年相國題

古人于役經高岡今人但見初平羊我來拜近父執牀趨庭往事懷茫茫倡酬遺墨歲月長締交逮及雲初望妙住能止奔輪狂

丹年相國詩來賦謝

我詩培養公崇岡雋味亦可譬魚羊

羊爲齊魯大邦魚乃邾莒小國六朝人語

情同昆季樂對牀見恒河性非渺茫請公題滿舊卷
長悠然興發副我望筆花怒生墨瀋狂

疊韻求蔗林相國惠題並求諸公同作

雪晴欲眺難陟岡那知鴈鷺同牛羊

自注坡詩野闊牛羊同鴈鷺

瓊英

玉液輝茶牀閉門覓句求蒼茫諸公大筆各擅長光
我家乘永譽望廟堂詞翰豪非狂

石君前輩惠示新集敬和冒雨尋菊圖一首以

申傾倒之懷

萬草紛紛鬪紅紫惟菊有花獨也正僞文淺說稱隱
逸非濂溪語不可聽陶公用世豈無心時不我與乃
三徑安陽晚節傳好句老圃秋容猶可誦石君作相

似安陽正色立朝澹相映平生詩癖近尤劇槩本新
看紙墨淨翩然惠我意良厚許我心期堪默證冒雨
尋菊景自佳琢句師韓筆還勁西風蕭颯襟袖涼那
計沾衣祇乘興峻嶒詩骨傲霜雪上薄秋霄氣彌橫
我慙後輩馬齒長舊學荒沈憶如夢公逾七袞慶方
衍慣向騷壇笳鼓競衛生有術顏色好跬步未防足
趾病回僊付囑玉符神跛李招攜鐵拐硬我聞菊花
令人壽便擬箋天告司命高原下隰種植多朝夕饗
飧黍稷並人人皆過偃佺期惟我迢然別有勝畫牋
即是本來心花雨繽紛常見聖

劉文清公遺集卷第五